

Penjenayah elit

FAKTA
90 barangan
curi ditemui
di rumah
suspek

B.H. 21/09/09 Ms 28

Tiga lelaki warga Amerika Latin samun guna kenderaan mewah dicekup

>>Oleh Iskandar Shah Mohamed

iskandar@hmetro.com.my

KUALA LUMPUR: Tindakan tiga lelaki warga Amerika Latin yang aktif melakukan beberapa siri samun di kediaman mewah di sekitar Brickfields lumpuh apabila diberkas polis di dua lokasi berasingan.

Kumpulan penjenayah itu menyamar sebagai golongan elit dengan memandu kenderaan mewah bercermin gelap selain berpakaian kemas serta bertopi bagi mengelak wajah mereka dikenali dan dihidu pihak berkuasa.

Sejurus sasaran dikenal pasti, seorang daripada mereka akan menekan loceng di luar kediaman mangsa untuk memeriksa sama ada berpenghuni atau sebaliknya.

Sekiranya bunyi loceng itu tidak dijawab, semua penjenayah terbabit akan memanjat pagar rumah mangsa dan menggunakan beberapa alatan seperti pe-

mutar skru untuk membuka kunci mangga.

Mereka seterusnya akan mengumpul pintu rumah mangsa sebelum mencerooboh masuk dan menyamun barangan berharga termasuk televisyen serta komputer riba yang dipunggah ke dalam kereta mereka.

Bagaimanapun, kegiatan kumpulan itu terbongkar apabila ketiga-tiga mereka ditahan dalam dua serbuan berasingan dijalankan sepasukan polis dari Ibu Pejabat Polis Daerah (IPD) Brickfields, petang Selasa lalu.

Ketua Polis Daerah Brickfields, Asisten Komisioner Wan Abdul Bari Wan Abd Khalid, berkata serbuan dilakukan hasil laporan seorang mangsa memaklumkan kediamannya di Bukit Damansara disamun sekumpulan lelaki warga Amerika Latin, Ahad lalu.

“Hasil intipan selama dua hari kemudian menahan seorang lelaki warga Peru berusia 25 tahun yang sedang memandu di sekitar



RAMPAS... Wan Abdul Bari (kanan) menunjukkan barangan yang ditemui semula.

Jalan Klang Lama sebelum polis dibawa ke rumahnya di kawasan sama.

“Susulan tangkapan itu, polis memberkas dua lagi rakan suspek masing-masing lelaki warga Guatemala berusia 28 tahun dan Mexico, 40-an, di sebuah kondominium di Jalan Syed Putra,” katanya pada sidang media di sini, semalam.

Menurut Wan Abdul Bari, hasil

pemeriksaan di kereta dan kediaman suspek menemui lebih 90 barangan curi yang dianggarkan bernilai RM250,000 antaranya televisyen LCD, komputer riba, telefon bimbit, jam tangan, kamera dan sejumlah mata wang asing.

Menurutnya, ketiga-tiga suspek direman sehingga 20 Januari depan dan kes disiasat mengikut Seksyen 457 Kanun Keseksaan.